



Sermon  
Kxf. Dr. Numlaajtsheb Yaaj


**“Yexus Yog Lub Qhovrooj”**

4<sup>th</sup> Sunday of Easter – Good Shepherd Sunday  
Our Savior Lutheran Church – Lansing, MI  
5-3-20

Thov txuj koobmoov txujkev hlub hab txujkev humxeeb pub rua mej suavdlawg lug ntawm Vaajtswv kws yog peb Leejtxiv kws yog peb tug Cawmseej Tswv Yexus Khetos. Asmees.

**Yauhaas 10:9**, “I am the door. If anyone enters by me, he will be saved and will go in and out and find pasture – *Kuv yog lub qhovrooj. Tug kws moog ntawm kuv moog, tug ntawd yuav dlim hab nwg yuav moog moog lug lug hab nrhav tau zaub noj.*” (ESV) ‘Nuav yog tug Tswv Txujlug.’ (Cross-reference – Exekees 34:14; 36:38, Yauhaas 10:1, 3, 7; 14:6)

Illustration “Gate” (Show the gate pen)



Txhuatug tswv kws muaj cov tsaj yaaj yuavtsum muaj ib lub vaaj rua cov yaaj nyob. Yog muaj lub vaaj lawm yuavtsum muaj lub roojkuag kws qheb moog qheb lug tso cov yaaj tawm moog tawm lug. Lub roojkuag nuav yog lub qhovrooj kws thaiv kws tsi pub cov yaaj tawm tau hab tsi pub lwmyaam tsaj nkaag lug rua huv lub vaaj ntawd. Nyob rua peb cov ntseeg Vaajtswv ntawm peb cov tuamtsev, “the 4<sup>th</sup> Sunday of Easter – Nubsu Plaub tomqaab Yexus sawv yog “Good Shepherd Sunday Tug Tswv Yaaj Zoo Nubsu.” Feem ntau nyob rua cov tuamtsev cov ntseeg Vaajtswv yuav ncu ntsoov txug hastas, Yexus yog tug Tswv Yaaj Zoo. Nwg txhaj le ua txhuayaam rua nwg paab yaaj kuas paab yaaj tau txujsa moog ibtxhis.

I. Nubnuav ntawm Txujmoozoo Yauhaas 10:9 sau hastas, “I am the door. If anyone enters by me, he will be saved and will go in and out and find pasture – *Kuv yog lub qhovrooj. Tug kws moog ntawm kuv moog, tug ntawd yuav dlim hab nwg yuav moog moog lug lug hab nrhav tau zaub noj.*” (Yauhaas 10:9). (Show thief climbing gate)



Yog vim le caag Yexus txhaj le hastas Nwg yog lub roojkuag? Thaum Yexus has zaajlug pivtxwv nuav, nwg cov thwjtim tsi totaub le. Peb tam tuabneeg taamsim nuav los yeej tsi totaub le hab. Yexus hastas, “Truly, truly, I say to you, he who does not enter the sheepfold by the door but climbs in by another way, that man is a thief and a robber – *Tseeb tag, tseeb tag, Kuv has rua koj, tug kws tsi moog ntawm lub qhovrooj moog, nwg ca le nce lwm qhov moog xwb, tug ntawd yog tubsaab.*” (Yauhaas 10:1) Nuav yog Yexus qha txug txujkev kws moog tsi tau ntuj ceebtsheej. Yog koj xaav hastas tsuav koj yog tuabneeg zoo, tsi tau moog

dlheev luas quaspuj quasyawg, tsi tau ua tubsaab, tsi tau ua phem xwb ces koj yog tuabneeg ncaajnceeg ces koj yeej yuav tau moog ntuj ceebtsheej. Yog koj xaav le nuav koj zoo nkaus le tug kws xaav moog rua huv lub vaaj tabsis tsi moog ntawm lub rooj kuag moog tabsis ca le nce ntawm laajkaab moog zoo nkaus le tug tubsaab. Yog koj nce laajkaab hab moog le nuav koj yuav moog tsi tau Vaajtswv lub tebchaws. (Show Jesus the Good Shepherd)

Lulug hastas “tubsaab” yog txhais hastas, tuabneeg yuav nyag lwm txujkev vim nwg xaav hastas,



nwg twb ua zoo lawm ces ntuj ceebtsheej yuav qheb rua nwg. Cov ntseeg Vaajtswv coob tug xaav le nuav. Nwg xaav hastas, tsuav kuv ntseeg lawm xwb ces kuv “will have eternal life and will go to heaven – *tau txujsa hab tau moog ntuj ceebtsheej.*” Tabsis yog koj ntseeg xwb es koj twb tsis tuaj kawm hab noog Vaajtswv txujlug, tuaj txais Nwg Roojmov rua kev zaamtchim rua kev txhum, tuaj sibfim nrug lwmtug ntseeg, tuaj sib txhawbzig, koj zoo nkaus le tug tubsaab kws yuav nyag nkaag moog rua huv lub vaaj. Tug kws yuav moog tau rua huv lub vaaj yuavtsum yog moog ntawm lub roojnkuag moog xwb txhaj le tau. Qhov kws yuav

moog tau yuavtsum yog tug kws mobsab tuaj kawm hab noog Vaajtswv Txujlug, tuaj txais Nwg Roojmov rua kev zaamtchim rua kev txhum, tuaj sibfim nrug lwmtug ntseeg, tuaj sib txhawbzig. Yog koj tsi ua le nuav, koj yuav ua le caag moog ntawm lub roojnkuag tau, vim lub roojnkuag ntawd yog Yexus. Yexus txujlug saamfwm tseg kuas koj yuavtsum noog Vaajtswv lug, muaj kev ntseeg hab muaj kev ca sab rua Yexus tag. Tug Tswv Yaaj Zoo txhaj le ca koj nkaag Nwg lub roojnkuag moog tau txujsa.


- II. Yog koj tsi noog tug Tswv Yaaj Zoo lub suab koj yuav tsi paub nrhav tug Tswv Yaaj. Cov yaaj zoo yeej paub nwg tug tswv yaaj hab yuav tsi nrug lwmtug kws nwg tsi paub moog ua ke le.  
(Show video clip sheep only obey their Master voice)



Do sheep only obey their Master's voice - YouTube 2.0 Min.wmv

Yauhaas sau hastas, “But they will never follow a stranger; in fact, they will run away from him because they do not recognize a stranger’s voice. - *Paab yaaj yuav tsi lawv lwmtug qaab, tabsis paab yaaj yuav tsiv ntawm tug ntawd moog, rua qhov paab yaaj tsi paub tug ntawd lub suab.*” (Yauhaas 10:5)

Tab sis peb tuabneeg nyob nrug rua txujkev txhum. Peb yuav raug txujkev dlaagntxag lug ntawm lwmtug kuas peb nrug puab moog rua huv puab lub vaaj. Thaum twg peb poobzoo peb tsi txawj tig rov lug nrhav tug Tswv Yaaj Zoo kuas nwg rov qheb nwg lub roojnkuag rua peb rov nkaag moog tau txujkev dlawbhuv nrug rua txujkev zaamtchim. Peb tsuas txaav dleb zuzug ntawm tug Tswv Yaaj. Ib nub dlhau ib nub, ib hli dlhau ib hli, ib xyoo dlhau xyoo. Peb saib zoo le tsi ntev, tabsis tuabplag xwb twb tau ob peb xyoo lawm. (Show way, truth, and life)



Cov kwvtij hlub hab movtshua, yog koj nug koj tug kheej hastas, “Kuv yuav ua le caag cawm tau kuv? Kuv yuav ua le caag moog tau ntawm tug Tswv Yaaj Zoo lub roojnkuag moog tau txujsa ibtxhis?” Txujmoozoo qha rua koj hastas, koj tseem tsi tau taag kev ca sab, vim Yexus hastas, “I am the way, the truth, and the life, no one come to the Father except through me – *Kuv yog txujkev yog qhovtseeb hab yog txujsa, tsi muaj leejtwg moog cuag tau Leejtxiv tsuas yog moog ntawm kuv moog xwb txhaj tau.*” (Yauhaas 14:16) Yexus hastas, “But he who enters by the door is the shepherd of the sheep. To him the gatekeeper opens. The


sheep hear his voice, and he calls his own sheep by name and leads them out. When he has brought out all his own, he goes before them, and the sheep follow him, for they know his voice.

(Shepherd leading sheep - animation)




- *Tug kws moog ntawm lub qhovrooj moog tug ntawd txhaj yog tug tswv yug yaaj. Tug kws zuv qhovrooj yuav qheb qhovrooj rua nwg, paab yaaj nov nwg lub suab hab thaus nwg cuab nwg paab yaaj tej npe, hab coj nwg paab yaaj tawm moog. Thaus nwg coj nwg paab yaaj tawm moog lawm, nwg moog ua paab yaaj ntej, hab paab yaaj lawv nwg qaab rua qhov paab yaaj paub nwg lub suab.*” (Yauhaas 10:2-4)

III. Thaus nuav koj paub tug Tswv Yaaj lub suab vim Nwg twb xub moog qheb lub roojnkuag “ntuj ceebtsheej” rua koj lawm. **(Show the Good Shepherd)**




Thaus koj moog rua huv koj yuav moog tau lub chaw zoo moog ibtxhis kws yog “txujsa moog ibtxhis” tsi muaj kev ntshai kev txhawj vim muaj tug Tswv Yaaj Zoo ua tug tivthaiv koj. Tej zag koj yuav nug hastas, “What has the Good Shepherd done for me – *Tug Tswv Yaaj Zoo ua dlaabtsi rua kuv lawm?*” Yexus kws yog tug Tswv Yaaj Zoo hlab nwg paab yaaj kawg nkaus. Nwg txhaj le hastas, “I am the good shepherd. The good shepherd lays down his life for the sheep - *Kuv yog tug Tswv Yaaj Zoo. Tug Tswv Yaaj Zoo sab tuag theej nwg paab yaaj.*” (Yauhaas 10:11) Yexus yeej hlab peb tag, Nwg txhaj le lug ua

txhuayaam hab tuag sau tug ntoo khaublig theej koj hab kuv txujkev txhum kuas koj hab kuv muaj feem rov moog tau ntawm lub roojnkuag kws yog Yexus moog tau txujsa nyob sau ntuj ceebtsheej. Yexus tsi xaav pub kuas peb ibtug twg poob hab pluj moog rua txujkev txhum. Thaus twg ibtug twg rov lug leeg hab txais yuav Yexus txujkev cawmdlim lawm, yuav muaj cov timtswv sau ntuj ceebtsheej zoo sab heev. Lukas txhaj le sau hastas, **(Show shepherd find his lost sheep)**



“Suppose one of you has a hundred sheep and loses one of them. Doesn’t he leave the ninety-nine in the open country and go after the lost sheep until he finds it? – *Mej yog leejtwg muaj ibpuas tug yaaj, yog ibtug pluj lawm, tug tswv yuav ua le caag? Nwg yuav tso cuaj caum cuaj tug rua tom haavzaub hab moog nrhav tug yaaj kws pluj lawm kuas tau.*” (Lukas 15:4) Tug Tswv Yaaj zoo yeej tseem hlab hab tshua txug koj kawg nkaus. Nwg lub roojnkuag yeej tseem qheb quaslug tog koj rov lug txais Nwg txujkev cawmdlim.

Tsi txhob tog pigkig, ca le lug moog rua huv Nwg lub roojnkuag kws yog txujsa. Yexus txhaj le hastas, **(Show Jesus – I am the door)**



“I am the door. If anyone enters by me, he will be saved... – *Kuv yog lub qhovrooj, tug kws moog ntawm kuv moog, tug ntawd yuav dlim...*” (Yauhaas 10:9) Koj yeej yuav dlim vim Yexus tub lug ua tav hlo rua koj lawm. Vaajtsujplig Dlawbhuv yuav paab koj kuas koj txujkev ntseeg yuav sawv ruaj khokho hab nov koj tug Tswv Yaaj lub suab hab coj koj moog rua huv nwg lub qhovrooj moog tau txujsa ibtxhis hab ibtxhis. Asmees.

Thov kuas Vaajtswv txujlug pub ruab peb suavdlawg totaub hab tau nyob kaajsab lug rua ntawm Tswv Yexus Khetos lub npe. Peb txhuatug kws yog Vaajtswv cov mivnyuas, peb suavdlawg has: Asmees.